


docriver 文川网
入驻商家
在文川网搜索古籍书城 获取更多电子书

中國方志叢書·華中地方·第二七號

據 清·周右修·蔡復午等纂
清·嘉慶二十一年刊本
影印

江蘇省

東臺縣志



sk/25/10

成文出版社有限公司印行

10098242

Handwritten notes: 17, 48, HSG, 127011

中國方志叢書·華中地方·第二七號

據

清·周右修·蔡復午等纂
清·嘉慶二十一年刊本

影印

江蘇省

東臺縣志



sk125/10

成文出版社有限公司印行



中國方志叢書·華中地方·第二七號

據 清·周右修·蔡復午等纂
清·嘉慶二十一年刊本

影印

江蘇省

東臺縣志



sk125/10

成文出版社有限公司印行



docsriver 文川网
入驻商家 古籍书城

在文川网搜索古籍书城 获取更多电子书

中國方志叢書·華中地方·第二七號

據

清·周右修·蔡復午等纂
清·嘉慶二十一年刊本

影印

江蘇省

東臺縣志



sk125/10

成文出版社有限公司印行



10098245

中華民國五十九年 月壹一版

東臺縣志

全四冊

發行人：**黃 成 助**

出版者：**成文出版社有限公司**

台北郵政信箱二二六〇五號
台北市羅斯福路三段279之二號
電話：三七〇一三二號

印刷者：**東南印製廠有限公司**
和平西路二段70巷83弄29號

內政部登記證內版台業字第一一四七號

平葉

集部

本署藏版

東臺縣志序

東臺分縣五十年未嘗撰有志書曩者督理鹽政阿公厚菴修府志成欲從事於東臺而未果也今縣令周君右暨泰州分司單君壯圖蒞任甫一年迺奮然爲之其縣之士夫競輸錢以助其役袁茂才承福者安豐場人熟於縣之掌故博徵文獻蒼萃抄撮錄爲長編吳門蔡孝廉復午績學能文爲之增損修飾質而不俚簡而不疏合乎史家之義於是東臺一縣之書粲然可觀矣孝廉子通家湯价人太守所得士也歲九月謁予於白下以周單二君之意質可否且求爲序予淮南之大政

有二河也漕也下河居運隄之東西水驟至汎濫四出
不獨東臺爲然惟一縣之水以上運河爲來源自牙橋
阻絕南流壅塞東臺常獨困於旱其患一也分縣後未
設專運漕船而均裝於附近州縣之船亦未立收米漕
倉而寄收於秦州之鳳倉散亂無紀百弊叢生其患二
也斯二者皆當改絃而更張之則東臺之吏與民其永
有瘳乎爰書其端而歸之時嘉慶二十一年十月望日
賜進士出身江寧等處承宣布政使山陰李堯棟序

東臺縣志序

自元明以來州縣之志蔓衍日多而蕪雜亦日甚博采
詞賦以示美觀搜羅雜說以夸多聞至以稗野爲傳記
俗語爲丹青於古所稱道地志辨地物徵物土之宜與
民俗之媿惡者不已遼乎有識者旣已病之然或有心
知其難而竟不爲紀述使一州一邑之事跡晦昧淹沒
更數十百年愈不可考見後之來者欲追尋之而無由
此亦官茲土者與鄉人士君子之所羞也嘗謂天下之
事造端爲難州邑分析以後而創爲一書尤難之難者
取分豆剖尺限寸斷循舊增新發凡起例非用意精審

而命筆謹嚴不足以與於此東臺本泰州之一鎮自乾隆三十三年始置爲縣迄今垂五十年而未有志今邑令周君右丞訪之邑人知前令姚君嘗有意於是以事罷去草創未就邑茂才袁生承福嘗董其役屬稿在焉乃與其僚單僉判壯圖合謀纂錄數月之間犁然秩然徽顯成章列卷四十克有成書集旣竣篋以眎余并乞一言序之余謂周君可謂能爲其難者矣凡爲民上者苟不傳舍其官則必問民之疾苦察其土地之宜與其習俗以究其利病而後政得施焉瞻前以驗後述古以知今非徒以備掌故也必有所以資之非僅以矜風雅

也必有所以測之然則不推成此書之難成此書而心
知其意之爲難使他日謂是邑之有志由某令尹始而
某令尹之爲政亦將與此志竝在人口焉見以爲難其
易也將至在周君勉之而已東臺雖小邑瀕海士人頗
有讀書好古如袁生者庶能熏其鄉人佐吏之化乎邑
中鹽場居兩淮之半單君之所宜究心者故所述綦詳
而下河水利尤同官之所當講求咨訪以惠利此土者
皆切於政治不可得而略也蕪雜之病吾知免矣嘉慶
二十二年十月上澣

欽加按察使銜分巡淮揚等處河漕鹽驛兵備道錢塘徐承

恩序

東臺縣志序

天下之士讀古今書通知時事大都講貫於一室之中
獨地理雖自禹貢暨遷書班志以下莫不究心而四海
九州曼衍廣博凡一州一邑之利病與山川所屬民俗
所宜非親至其地不能懸揣至其地矣而爲日淺待治
責功者已亟非略觀其地之志則茫如觀海無從識其
涯涘况

國家太平日久經制詳善爲民生物計諦審其宜疆域或
由分而合或由合而分分合之故又非僅據舊志所能
得其區畫之苦心與疆理之初意則更難於爲政予旣

蒞揚揚之屬八州縣其二皆分縣江都分爲甘泉已久
若泰州之分爲東臺較近然已五十年矣未有志有之
自嘉慶廿年縣令周君創纂始余幸得觀其成在事者
謂余不可無一言弁其端余適奉先太恭人諱久未握
管且將歸里乃于三虞卒哭之後用一言復之近日郡
縣皆以部文憲檄從事於志江蘇新畢志書如唐觀察
陶山海州志陳司馬曼生溧陽志吳大令磐齋嘉定志
皆體例謹嚴確有古人紀載法此志經數通彥斟酌考
證秩然犁然亦稱簡備余憂患餘生於古人撰著門徑
未窺什一又媿在官年久無澤民善政如古文人元白

歐蘇之貽澤垂世載諸方策傳之永遠文成徒呼負負而已

嘉慶二十二年陽月戊申臘

賜進士出身候選道揚州府知府前刑部郎中總辦秋審處行走張文靖序

docsriver 文川网
入驻商家 古籍书城

在文川网搜索古籍书城 获取更多电子书

東臺縣志書序

東臺舊隸泰州無分治乾隆三十三年始截州之東北境爲縣瀕海距淮洪流浩漫官斯土者賢勞簿書不暇故於一縣之志未之詳亦五十餘年守令闕典也方今海內承平日久賈便其肆農安其業大夫安其職處士循其道下舞上歌蹈德詠仁仰見我

皇上文教誕敷德威遠震凡在士庶莫不優游而自得玉潤而金聲懿乎爍哉車書大同之盛古今未有倫比余前攝篆廣陵聽政暇竊與二三僚屬採錄羣書周諮父老舉夫建置沿革風土人情有關治道者無不旁搜博訪

微顯而闡幽意欲爲東臺勒一成書俾信今而傳後而
余旋來淮北矣今縣令周君右以成書是正於余并求
余序余繙閱數四見其文而理該而哲體例一本史氏
取舍衷於至當凡今管河渠學校賦稅戶口政蹟民物
諸若天喬臚列而河漢燦剖也而知其用心爲已悉矣
余旣喜周君與其縣之士夫勇於取義如此而又嘉此
邦之人於余來淮後尙能不忘舊德思自余一言也爰
樂而爲之叙後之覽是編者於民生之利害政治之得
失講明而切究之以潤色夫鴻業用副

聖天子化民成俗稽古右文之至意而無從匪彝無忘舊章

也是則余之所深望也夫

嘉慶二十二年十月署淮安府知府前署揚州府事趙璿序



東臺縣志序

古有小史猶今之郡縣志也史之作確乎不移志之作與時變更况我

國家中畫郊圻

睿慮精詳凡有量地制宜裁汰設官皆所以肅吏治厚民生俾風土人情易于區別安可以無志哉粵自乾隆三十三年以維揚泰州之境濱海遼廓爰分東臺場爲縣數十年來建置損益文物聲名蓋錯出矣猶記辛酉年余初奉

命出守是邦卽欲贊修其志旣而未果庚午年再蒞茲土又

未果歉然於中者久之迄今丁丑春復承乏于茲覽其山川形勝觀其民俗風謠大都沐

聖朝之雅化日新月盛已非當年之陋私心竊喜焉然猶未見勒有成書迺今之秋縣令周君右編成縣志索序於予予不覺快慰因細閱其書或舍舊從新或分流別派元元本本其有關於政教者甚鉅自非好學深思留心風化者固難冀有成也特是東臺分壤錯雜俗擅魚鹽之利一切田賦科條有積久不能無弊者要在宰斯邑者更張而整飭之今周君慨然修成一書利弊得失瞭如指掌並節義文章悉採之以爲民勸庶幾治得其理

民咸向風蔚然成一邑之盛於維揚大郡之間而上可
以彰

朝廷分設之至意次亦有合於小史之義也夫時嘉慶丁丑
年九月望日知揚州府事蘇完嵩年序



東臺縣志序

東臺本泰州境自乾隆三十三年始分壤爲縣右初蒞
任進父老而訪其風俗父老曰使君公事旁午噢咻斯
民幸甚若夫此土東濱海北距淮洪波浩淼爲蛟龍魚
鼈之鄉城郭置其中一澤國而已矣山川之秀麗士民
之殷富人物之奇傑遜於他郡某等嘗爲

盛世太平之民足矣風土人情曷用訪諸子曰不然自來國
家申畫郊圻定有深意士大夫蒞官守土亦當知所先
務豈僅僅簿書期會刑名錢穀爲哉且夫化之被者積
久而自深也澤之厚者漸漬而易入也况乎東臺承

朝廷之設守受官吏之撫綏蓋五十年於茲矣其間孝子節婦名宦耆舊文人逸士卓卓表見甲於他邑者烏可使其湮沒而無傳父老曰若然使君盍考古証今爲東臺作志乎蓋其先有行之者前令尹姚公兆昌捐俸錢二百緡倡造縣志草創甫就有事去官遂中寢士民至今惜之使君而從前令尹之志實茲土之幸也予廼訪之袁茂才承福得前所纂志稿喜其頗有端緒也商之單僉判壯圖因屬袁君暨二三同志竟其役今年夏開局復得吳門蔡孝廉復午爲釐正義例增損修飾勦予不逮俾無瑕疵閱七月書成狗父老之請終前令尹之志

也抑不竊有疑焉者東臺分泰州地其村莊多寡田畝肥瘠已不能均又越海安而得併角胡以彼此間隔舍近就遠若是丁谿草堰兩場俱在串場河之東乃糧輸東臺籍隸興化而讞獄則兩屬焉胡以重勞百姓若是其殆制之未定者乎然行之已五十年矣右亦何校多議猶幸區區僻壤沐

聖朝之雅化獄訟清閑弦歌比戶政事之暇得與諸父老話桑麻課晴雨優游餘閒亦爲宰之一大快事也因樂是志之成爲之編其綱爲五爲目三十有四爲卷四十時嘉慶二十有一年十二月知東臺縣事錢唐周右謹序

docsriver 文川网
入驻商家 古籍书城

在文川网搜索古籍书城 获取更多电子书

東臺縣志序

周禮小行人循行邦國五物各有其書以周知天下之
政漢則有繡衣直指凡山川田野戶口財賦政令之得
失風氣之貞淫胥於是乎咨焉我長白阿公以御史巡
鹽兩淮卽古直指之任矣下車伊始振起文教百廢具
興越二年修揚州府志成以爲東臺不可無志告之

壯

圖之伯父靜安先生名潼時先生方權泰州分司因縣

令姚公兆昌先已延請通儒撰有草稿一加刪訂可成

完書而姚公罷職先生繼去其議遂寢歲乙亥

壯圖

承

乏來此適周明府右亦甫蒞任東臺慨然欲續成之謀

於余余曰此盛事也於是謀其經費邑之紳士皆輸財以助之明府與余復捐俸錢以佐理之今其書已成宏綱細目燦然可觀矣夫合天下權鹽之利莫大於兩淮合兩淮南北之鹽場而三分之所轄莫多於泰分司合泰分司所轄之十一場分隸四縣而東臺得其七又南得通分司之楸角兩場是東臺所產之鹽實居兩淮之半焉司農之儲積少府之委輸較諸夫田所出不啻數倍而且市井之稠密風俗之華靡人物之秀麗多在諸場是志一縣卽所以志九場也

壯圖

不敏不能與於著

述幸承直指之志終靜安先生之業得隨周明府之後